

Sulisitsisup akiligaanik angalanerit pillugit akilerartarnermi maleruagassat

Naalisagaq

Sulisitsisup akiligaanik angalanerit pillugit akilerartarnermi maleruagassat tunngaviusut nassuiaammi naalisagaasumi uani atuarsinnaavatit. Nassuiaatit assersuutillu sukumiinerusut atuarneqarsinnaapput www.aka.gl -imi uani "Sulisitsisup akiligaanik angalanerit akileraaruserneqartarneri pillugit ilitersuut"

Aalajangersakkat atortuulerfiat

Ilitsersuut una Inatsisartut inatsisaanni nr. 72, 20. november 2023-meersumi aalajangersakkanik tunngaveqarpoq. Aalajangersakkat ilitersuummi uaniittut 1. januar 2024-mi atuutilerput, ukiorlu aningaasarsiorfiusiq 2024 aallarnerfigalugu atuullutik.

Akilerartarmi maleruagassat sulisumut atuuttut

1. Sulisup angalanera akileraaruteqaataasussaannngitsiq:

- Angalanermit aningaasartuutit kiisalu angalanissamut pilersaarusiatic pissutigalugit aningaasartuutigineqartariaqartut sulisitsisup akiligai sulisumut akileraaruteqaataasussaannngillat.
- Angalanermit aningaasartuutit taamaallaat tassaatinneqarput timmisartumut ilaaneq aamma angalanermit atatillugu unnuisariaqarnerit. Feriami akiliunneqarluni angalanermit akunnittarfimmi unnuinerit, biiliniq attartornerit il.il. sulisitsisup akilerpagit, taakku sulisumut akileraaruteqaataassapput.



- Maleruagassaq angalanernut tamanut atuuppoq, angalanerup Kalaallit Nunaata iluani, Danmarkimut Japanimulluunniit angalanerunera apeqqutaatinnagu.

○

2. Ilaqutaasut angalanerannut aningaasartuutit:

- Sulisup ilaqutaasa timmisartumut ilaanerat sulisitsisup akilerpagu, taava aningaasartuutit taakku sulisumut akileraaruteqaataasussaassapput.

2.5 Pineqartunulli ilanngillat:

- Sulisup ilaqutaasa, ukiumoortumik feriarluni angalanermi siullermi angalanerannut aningaasartuutit sulisitsisumit akilerneqartut akileraaruteqaataassanngillat, piumasaqaatit makkua sulisup eqquutsippagit:
 1. Sulisoq sivikinnerpaamik ukiumi 1-imi atorfeqarsimassaaq.
 2. Sulisoq aapparmi sulisitsisuminit akiliunneqarluni ukiumi tassani feriarnerani peqataasimassanngilaq.
- TAKUUK: Sulisup ilaqutaasa akileraaruteqaataasussaannngitsumik angalanerisa qanoq akeqarsinnaaneranut ornitanullu sunut atorneqarsinnaaneranut immikkut ittunik maleruagassaqarpoq. Annertunerusumik atuaruk “*Sulisitsisup akiligaanik angalanerit akileraaruserneqartarneri pillugit ilitsersuut*”.

Sulisitsisup feriarnermut aningaasartuutit

akileraaruserneqarnissaannut nalunaarutigineqarnissaannullu

atatillugu pisussaaffii

1. Akileraarutit A-t aamma nalunaaruteqarneq



- Feriarluni angalanerit *akileraaruteqaataasussat* nalingisa akileraarutaat A-t¹ sulisitsisup unerartissavai.
- Aningaasartuutit akileraaruteqaataasussat qaammatip siulianeersut nalingi sulisitsisup qaammatit tamaasa, immersugassaq A1 atorlugu nalunaarutigissavai.
- Kiisalu aamma aningaasartuutit akileraaruteqaataasussat nalingi sulisitsisup ukiumut ataasiarluni, immersugassami A11-mi paasissutissanut erseqqinnerusunut immersuiffissami 190-imi nalunaarutigissavai: Ukiup siuliani angalaqataasut aqqi inuttullu normui.

2. Uppernarsaatissat:

- Angalanernut aningaasartuutit sulisitsisumit akilerneqartut uppernarsaataat Akilerartarnermut Aqutsisoqarfip sulisitsisunik nakkutilliinermini piumasarisinnaavai. Taamaammat angalanernut aningaasartuutit, soorlu timmisartornermut akiliutip uppernarsaatai sulisitsisup tamatigut pigisariaqarpai.

3. Piffissaq akileraarusiiffik:

- Akileraarusiineq pissaaq piffissami angalanissap pisiarineqarfigisaani, imaanngitsoq ulloq angalanerup aallartiffia.
- Sulisup ilaquataasalu angalanissaat november 2023-mi pisiarineqarpat, angalanerli aatsaat 2024-mi pippat, taava angalaneq november 2023-mut A1-imi aamma 2023-mut A11-mi allaqqassaaq.

4. Feriarluni angalanerit sulisumut aningaasarsiatut akileraaruteqaataasussat sulisitsisup akileraarutininik UNERARTITSIFFIGISSALLUGILLU

NALUNAARUTIGISASSAI:

¹ Tamanna 1. januar 2023-miit atuuppoq, ukiorlu aningaasarsiorfiusoq 2023 aallarnerfigalugu atuulluni.



- Sulisup ilaqtai angalanerannut akiliunneqarpata, taakku maleruagassami immikkoortoq 2.5-imi pineqartunut ilanngippata.
- Sulisup **feriarluni** angalanera sulisitsisup akilersimappagu, sulisitsisorlu sulisup akunninnerani, timmisartornerata akunnittarfimmilu unnuinerata saniatigut aningaasartuutitik allanik akiligaqarsimappat. Tamakku assersuutigalugu tassaasinnaapput biilnik attartorneq neriniartarfimmiluunniit nerineq.
 - Takuuk: Angalaneq *sulinermut atatillugu angalaneruppat* angalanermit aningaasartuutit tamarmik sulisumut akileraaruteqaataassanngillat. Tassa imaappoq sulisoq akunnittarfimmiinnermut, biilnik attartornermut imaluunniit nerisaqarnermut akileraarusiiffigineqassanngilaq.

Allanik apequtissaqaraanni:

Sulisutut sulisitsisutulluunniit angalanerit sulisitsisumit akilerneqartut pillugit akilerartarnermi maleruagassanut tunngatillugu apequtissaqaruut, “*Sulisitsisup akiligaanik angalanerit akileraaruserneqartarneri pillugit ilitsersuut*” www.aka.gl -imi “ilitsersuutit”-niittoq paasisassarsiorfigeqqullugu inassutigaarput. Ilitsersuut sulisitsisut nalunaarsorsimaffiata internetikkut nittartagaani “ilitsersuutit aamma immersuiffissat”-ni www.sulinal.gl -miittuni aamma takusinnaavat.

Taakku saniatigut apequtissaqaruut Akilerartarnermut Aqutsisoqarfik uku aqutigalugit attavigisinnaavat:

Sulinal (Sulisitsisut nalunaarsorsimaffiat)

- Akileraarutit A-t, akissarsiat allagartaat, sulisitsisut nalunaarutaat, fakturat & ernialersuinerit akiliisitsissutillu allagartaat, sulisitsisunik ilitsersuineq.



- Oqar.: (299) 34 60 81
- E-mail: sulinal@nanoq.gl

Akilerartarnermut Aqutsisoqarfiup Innuttaasunik sullissivia – nammineq ornigulluni

- Akilerartarnermut Aqutsisoqarfiup Qaqortumi, Nuummi, Maniitsumi, Sisimiuni aamma Ilulissani innuttaasunik sullissivii akileraarutit pillugit apeqqutissatit pillugit ikiussallutit piareersimapput.
- *Ammarsarfii:*
Ataasinngorneq, marlunngorneq aamma tallimanngorneq: 10:00 - 15:00
Sisamanngorneq: 10:00 - 17:00
Pingasunngorneq: Matoqqasarput

Innuttaasunik sullissivik – Oqarasuaatikkut

- Innuttaasunik sullissivik oqarasuaatikkut aamma attavigisinnaavat
- Oqarasuaat: 34 65 10
- *Oqarasuaatip ammarsarfii:*
Ataasinngorneq, marlunngorneq, pingasunngorneq aamma tallimanngorneq: 09:00 - 15:00
Sisamanngorneq: 09:00 - 17:00

